


之 理



大明一統志卷之七十四

福建布政司

福建古閩越地漢以揚州部刺史領之東漢於此置會稽南部都尉唐初隸江南道復隸江南東道採訪處置使大曆中始置福建觀察使治福州宋置福建路安撫使以福州守臣兼領元置福建等處行中書省于泉州尋徙福州置福建道宣慰使司都元帥府及福建閩海道肅政廉訪司于福州

本朝置福建等處承宣布政使司領福州泉州興化建寧延平汀州邵武漳州八府置福建都指揮使司領福州

左福州右福州中福寧鎮東泉州永寧興化平海漳州
鎮海一十一衛又置福建行都指揮使司領建寧左建
寧右延平汀州邵武五衛及將樂守禦千戶所置福建
等處提刑按察司分福寧建寧二道兼察諸府縣衛所
三司並治福州府而行都司則分治於建寧云

福州府隸至海岸一百九十里西至延平府南平
縣界二百五十里南至興化府莆田縣界
二百三十里北至浙江温州府平陽縣界六百
三十里自府治至南京二千八百七十二里至
京師六千一百三十三里

建置沿革禹貢揚州之域天文十女分野周時為七閩地
秦置閩中郡漢初封無諸為閩越王都此武帝滅閩越

徙其人於江淮間盡虛其地後立冶縣屬會稽郡東漢
末分治縣地為會稽東南一部置都尉此為南部三國
吳屬建安郡晉分置晉安郡劉宋改晉平郡尋復故陳
兼置閩州後改豐州隋改泉州大業初復為閩州尋改
為建安郡治閩縣唐初復為泉州後移治晉江縣而以
此為閩州開元中更為福州天寶初改長樂郡乾元初
復為福州唐末陞威武軍節度五代時王審知據此陞
長樂府改彰武軍宋復為威武軍建炎中陞福州府元
至元中為福州路

本朝洪武元年改為福州府領縣十三

大明一統志卷之七十五

泉州府

東至海岸一百三十里西至漳州府長泰縣界一百五十里南至海岸一百三十二里北至興化府仙遊縣界一百三十二里自府治至南京三千二百五十五里至京師七千二百五十五里

建置沿革

禹貢揚州之域天文牛女分野周職方為七閩地秦屬閩中郡漢初屬閩越國武帝時以其地屬會稽郡三國吳屬建安郡晉屬晉安郡梁置南安郡治晉安縣隋廢郡以其地屬閩州唐初以南安縣置豐州貞觀初州廢聖曆初置武榮州治晉江景雲初改置泉州天寶初改清源郡乾元初復為泉州五代時南唐置清源



大明一統志卷之七十五